

時振迅通衢磬控緩亟無少忤者自是惟成
乘則受之他人則復弗受雖日浴于河羣馬
皆褻而騎相望後先驗之馭者終莫敢竊睨
其膺鬣稍則即噬齧之軍中咸指爲驚悍擯
弗齒 嘉定庚午峒寇李元礪盜弄潢池兵
庚符下統府調兵三千人以往成與行崎嶇山
澤夷若方軌至吉之月餘寇來犯龍泉柵成
出搏鬪四五合危敗之矣或以鉤出其腋及
韃而隊死焉官軍亟鳴鉦驗屹立不去躑躅

徘徊悲鳴屍側賊將顧曰良馬也取之元礪
有弟悍很恃執每出掠率彊取十二三適見
之色動曰我欲之將不敢逆遂試之蹴踘進
退折旋良愜即不勝喜貯以上廐煮豆粟濯
泉剪鬣用金玉爲鎧華韉沃續極其鮮明羣
渠皆釀酒來賀輜重卒有爲賊掠取者知之
曰驗他日未當若是彼畜也而亦畏賊耶竊
恠之於是日游其驗於洞嶺間上下峻坂無
不如意恨得之晚思一快意馳騁而地多阻